

ՆՄՈՅԵ ՄԸ ՀԱՅ ԿԵՆՂԱԿԱՆՈՒԹԵԱՆ

ԲՆՈՒԹԵԱՆ մեծ յեղափոխութեան ժամանակ, մինչ նոյաչէն նաւն կ'երերէր կը տատանէր՝ մերթ լեւնակուտակ ալիքներէն և մերթ անսանձ հողմերէն, տիեզերաց ճարտարապետն նետեց զայն լերկ և վայրի բարձրաբերձ ժայռի մը վրայ, որուն ոչ միայն հայրենական աւանդութիւնն՝ այլ և օրէնսդիրն Իսրայելացոց՝ Առարատ անունը կու տայ: Այո՛, նոյն սարէն իջաւ ալեւոր մը, մարդկութեան երկրորդ նախահայրն. նոյն սարէն նահապետին հետեւեցան սուրբ և անսուրբ կենդանիք, յորոց մաս մը ախորժեցաւ հոն մնալ, իսկ այլք հեռացան՝ անձկալով օտար երկրի, օտար անտառաց և կլիմայի մէջ բնակիլ: Եւ այսպէս ահա Առարատ եղաւ խանձարուբնոր մարդկութեան և նոր կենդանեաց: Հնգամստեհնի հեղինակն լով մեր ձեռքը տուած է այսպիսի վկայագիր մը աղգային աւանդութեան կնքով գրոյմուած: Գուցէ որ զայս ևս ծարէ առասպելաց ծրարին մէջ, որուն չունինք ուրիշ պատասխան՝ բայց միայն այս պարզ խօսքերը. Բարեկամ՝, մօտեցիր բանիբուն և քաջ քննադատի մը գրասեղանին, իրեն կը յանձնենք համոզել քու կամակոր միտքը և պարզել մեր առաջարկութենէն դուրս եղած խնդիրը, չուզելով շեղիլ մեր նիւթէն և նշպատասկէն:

Անշուշտ պատուական ընթերցողն պիտի գուշակէ, թէ անկարելի էր՝ պարզ մի քանի հայ աշխարհի տեղագրութիւնները հետազօտելով և պրպտելով՝ հմտանալ մեր երկրի բնիկ ամէն կենդանեաց վրայ. և թերեւս գոհացուցիչ տեղեկութիւններ կարող էինք տալ անոնց վրայ, եթէ ունենայինք առատ և նմանապէս գոհացուցիչ աղբիւրներ, ի բաց առեալ՝ նախ, մեր նախնեաց այն հազուադիւրս և հետաքնին գրական գոհարները. երկրորդ՝ մեր երկու անծարգոյ Ինճիճեան և Ալիշան հարց աշխարհագրական հմուտ մատենաքը. երրորդ՝ Մակար Բարխուտաբեանց եպիսկոպոսի ընտիր տեղագրութիւնքը. և հուսկ ուրեմն՝ օտարազգի ճանապարհորդաց ուղեգրութիւնքը, յորոց մեզի կարեւորները քաղելով՝ հայ հողին և բուսաբերութեան, լրին և կլիմային արդիւնքը, կազմենք Նոյնը մը ճայ կենդանարսևնաբեան:

Կենդանեաց ծագումը գրող հեղինակն*, երբ իւր մի և նոյն ժամգոտ գրչով՝ համարձակեցաւ բուսոց զգայականութիւնը ևս նկարել, մուսայից խմբին ապաւինեցաւ, իւր գրչին օգնութիւն մուրալով մուծ նկուղներու մէջ թափառող պարիկէն. սա լսելով կը սիսի իւր խորհրդաւոր կտնդոցով թրթռացընել քնարը, ուսկից՝ հեղինակն կը գիւթի՝ և յառաջ կը տանի նորա երգը: Թեթէ հայն չունի՛ իւր պարիկները կամ յաւերժահարսերը** երգելու իրենց բնիկ կենդանիները. այո՛, ունի, բայց նոքա յանձն չեն առնուր երգել, և ոչ այլ Գողթան երգիչք, որք երբեմն սիգապանձ գրուատեցին զՎազազն, աւաղեցին Արտաշիսի անցաւոր փառքը և մահը, և ողբացին Սաթինկան քնքոյչ սրտին վէրքերը. նոքա հիմակ ևս ուրիշ ցաւեր ունին երգելու... ապա ուրեմն թող մեր Նահապետին անող ձայնը հնչէ իւր Յուշիկներուն միջէն, նկարագրելով մեր երկրին կենդանեաց ճութութիւնը.

« Թերեւս չկայ երկիր մը որ այնքան բազմաթիւ և բազմազան ջրային թաշուեններ ունենայ, ինչպէս Հայոց լճերն և մօրերն: Այս ետքի տեսակ ջրեղջից մէջ անուանի է՝ Կարնոյ շաւրք կամ մօր և ծով (սաղլըգ). որոյ թռչնոց հաւկիթներն բաւական էին շրջակայ գեղերու բնակիչները կերակրելու, ըստ վկայութեան մեծի պատմիչն մերոյ, որ կարծեմ քեզի չափազանցութիւն մը երեւնայ. բայց ինչ պիտի ըսես տեղւոյն անգղիական հիւպատոսարանին և վաճառական գործատանց զբօսասէր պարոններուն վկայութեանը, որք կը հաւատտեն, թէ տարւոյն կենդանաբեր եղանակին մէջ չամբին բոլորտիքն՝ մինչև բաւական հեռու միջոց՝ գրեթէ անընդհատ կը ծածկուին հաւեղինաց երամներով՝ մինչև համարձակ ձիագնացութեան արգել ըլլալ: Այս դաշտիս մէջ (Կարնոյ) համրած են աւելի քան 200 տեսակ թռչնոց, շատն ջրային: Գրեթէ բովանդակ թռչնական ցեղից չորսին երեքն ճանչցուած են ի Հայս, մասնաւնդ բարձրասրունք, մաշկոտունք, ճնճղկաց ցեղքն, և գիշահաւք » և այլն:

Մեծարգոյ Հ. Ղեռնդ վ. Ալիշան իւր համառօտ թռչնաբանութեամբ ցոյց կու տայ՝ թէ որքան բազմաթիւ էին մեր երկրին թռչունք. բայց ոչ այնչափ անոնց բազմութեան վրայ մարդ կը սքանչանայ, որչափ անոնց գեղեցկութեան վրայ:

* Տարուին:

** Հմմտ. Հին հաւատք հայոց, (վ. Հ. Ղ. Ալիշան), էջ 206: